

中国文献珍本丛书

中国书院志 (十二)

全国图书馆文献缩微复制中心

中国文献珍本丛书

责任编辑 经莉

中国书院志（全十二册）

编辑者 姜亚沙 经莉 陈湛绮
出版者 全国图书馆文献缩微复制中心
（北京文津街七号）

印刷者 临京古籍印装厂

发行者 新华书店北京发行所

印刷日期 二〇〇五年三月

印数 一一八〇

定价 五六〇〇元

未经授权 不得翻印

中国书院志目录（十二）

〔雍正〕河南通志中所载书院·····	一
〔康熙〕（河南）商丘县志中所载书院·····	六五
〔康熙〕江西通志中所载书院·····	六七
〔乾隆〕（江西）吉安府志中所载书院·····	一〇七
〔同治〕（江西）铅山县志中所载书院·····	三五

貢院書院義學社學附

開封府

祥符縣

可

卷之二十一

貢院書院附

三 開封府

大梁書院

舊在省城南薰門內蔡河北岸名麗澤書院明提學副使劉昌建成化己亥因改建

巡撫治所都御史李衍徙建于麗景門外東南距城二里許繁臺之東都御史馬嘉會巡按邱兆麟重修

後沒

國朝

康熙十二年巡撫佟鳳彩于城內西北隅天波府舊址重建二十八年巡撫閻興邦重修三十五年巡撫

李國亮移建於城西南隅周橋迤西古汴水經歷處五十八年頒

御書

積水傾圯十一年總督王士俊布政使刁承祖重修

明李夢陽大梁書院碑記

大梁書院田成或問書院有田乎李子曰有哉趙宋

之肇也睢陽石鼓嶽麓白鹿四者其巨矣然必田焉祭也以達乎養何也聚人之所必廟其所師廟必有祭祭非田何出矣聚而不養則散致散成聚莫先乎財易曰何以聚人曰財故田者財以之生養以之成者也田若是急乎李子曰聞之先王天地非養無以物聖人非養無以民士非養無以成身故養者天以之生地以之行人以之成是故二氣推盪風霆流形消息往來各足其精天地之養也則明因利嘉穀始

成制恒備好壽康安平聖人之養也審今酌古仁綿
義經厚積廣施性堅德明士之自養也是故先王之
待士與民異田作代耕何也不如是無以專志而業
精也故士羣之庠序別其冠衣程其餽廩端其術業
凡以異民也後世則又選勝而區稔拔其良聚焉於
是有積書之院祭養之田又以異士而考成也日竊
聞之孔子耕也餒在其中矣學也祿在其中矣敢問
士易聚而難成何也日聚非其聚也祿在其中矣敢問
臺造院謁祠登堂陟閣矣叢篁茂林長廊委翳鳥鳴
狸走問日士奚不聚也日無田日祭乎日祭有司辨
之今田矣士仍不聚也問之曰無倡之爾故日聚非
其聚也日知難聚而必田之何也日善身者不以一
噎而捐食善田者不以一歉而棄穡故寧田而難聚
聚而難成而不可使天下無養士之稱嗚呼識斯意
者可與成臺臺言變通與詩曰視民不佻君子是則
是傲茲之謂也是田也都御史內江李公監察御史
吉水毛公寔倡之而提學副使歷城邊公贊之後都
御史道州向公與監察信州汪公大名王公桂林喻
公成之是田也更數君子而其勢愈興久而彌正嗟
吾士自是其聚也夫其聚也夫

皇清

閻興邦重建大梁書院釐正祀典記

古者聖王之教有序有聖王之教

宗有類宮四時于此釋奠釋菜擇其國中功德之及
民者而祀之所以起化于微渺者意深遠矣斯禮廢
士大夫始爲書院率子弟肄習焉惟宋爲盛至明幾
徧天下或以地名或以城名或以人名若汴之大梁書院則以
其地名者也初建于城南後移之繁臺前迨明末決
河灌城墉垣基址蕩入波臣無由問諸水濱矣
皇清定鼎四十餘年百廢俱修然事事從創非能并力經
營恒需時日以舉行予至豫體

聖天子

重道崇文之盛典既構遊梁書院還其舊觀卽新
大梁書院無俾失墜咸閱月而告成凡筮仕茲土者
大小畢集爰進而諗之曰書院竣矣盍審所當祀者
而妥侑焉僉曰曩祀周元公等十賢矣又曰古聖賢
祠祀三皇以至明末諸臣矣又曰近日議祀漢以下一
百三十餘人矣惟公擇而行之予曰是皆未盡善十
賢似宜祀也第海內皆祀之矣大梁安得而專之三
皇及禹未可下同于臣若一百三十餘人人生有定居
職有守土何容盡祀之大梁哉夫行一事必顧名思
義大梁魏邑也文侯之孫魏侯瑩所都當文侯之身
師卜子夏敬事段干木而式其廬子夏衛人設教于
魏之西河密邇大梁故唐贈魏侯宋加魏公推所自
也干木爲子夏之高弟宜祀子夏配以干木明梁之
卽魏也而能重魏者莫如信陵君枉車騎于大梁市

中救趙破秦存魏公子固人傑哉公子死秦遂滅韓
及魏秦韓魏之深仇也能報仇者惟張子房博浪一
椎祖龍視魄佐漢所以鉤秦也而滎陽之圍微紀及
周漢其楚矣高帝安得過大梁而爲公子置守冢哉
宜祀留侯并贈太尉紀公御史大夫周公漢業中衰
光武克復舊物從龍之臣率產豫土其發跡大梁者
王霸堅鐔傳俊皆繪象雲臺而憂國奉公惟刺姦將
軍祭成侯雅歌投壺恂恂若儒生應當與文臣同祀
也黨錮之禍李元禮一世龍門含冤北寺漢事不可
爲矣其後徐元直寓新野薦武侯于昭烈得延炎漢
之脈以元直之才終身不爲操畫一策忠孝克全與
元禮同祀不亦宜乎薦武侯者元直而鞠躬盡瘁以
扶漢室者武侯也侯之才駕子房而上晉唐以下誰
敢步其後塵人知其隱于南陽卧龍岡在焉豈知其
先寓于考城哉考城昔屬大梁則武侯者尤亟當議
祀矣晉之繼漢也雖取天下再傳而亂渡江之後祖
豫州手翦荆棘黃河以南復爲晉土歿之日士女如
喪考妣此安可不祀哉距晉五姓而唐室受命唐猶
漢也而再造唐者狄梁公初刺豫州再刺魏州民愛
戴之生爲立祠如公者能勿祀耶祿山構逆張中丞
徽遮江淮顏魯公招討河北睢陽之節張公實爲南
許諸君倡祀公可例其餘矣別歸舊隸開封者也至

希烈僭號于汴魯公被縊則握拳透爪同于裂齒穿
齧不祀何以勸忠唐至光啓寇蹂躪海內大梁無寧
宇矣趙氏兩大尉百戰孤城卒全陳士兄弟之功安
可忘也則祀之自是至五代皆都于汴宋宏最久上
接漢唐尹開封者多名臣而包孝肅爲稱首雖有專
祀不敢遺焉他若范文正歐陽文忠張忠定蘓文忠
相繼爲京尹皆有包公之流亞並宜祀之者也當其時
產于大梁者又有賢宰執如文簡呂獻可焜煌史冊
至今稱之而劉器之真鐵漢七謫遠惡地幸歿于汴
數年後敵發其塚而貌如生誠異人哉皆宜祀也靖
康之際忠義奮起伯紀督戰京城汝霖誓師河上嵇
仲率子勤王德祥和卿封疆盡節國有人哉桓桓忠
武兵抵朱仙竟害于奸臣之手祀此諸忠不令人肅
然起敬耶自是而大梁屬金矣元之取金攻汴踰歲
而忠孝軍總領完顏公獨兩敗之後走汜水明白求
死折足劃耳喫血而呼此好男子不可不祀也明之
取元由汴濟師而河南平章左丞察罕公孤身扶之
崛起沈邱威鎮天下定陝平齊竟殞賊手如潁川王
不可不祀也當明之初馮宋國節制兩河駐汴者十
有七載恩惠在人其祀已廢今宜祀之考大梁有褒
忠祠祀鐵司馬五人其祀已廢今宜祀之考大梁有
祥符人有三王祠祀張氏三人而英國公靖難之師爲

土木之難封定興王祀此二公於忠於義允相符矣若先達則軒介甫之品節馬端肅之勲業仕宦則年恭定之綬哉陳恭愍之方嚴何文肅之明惠秦端敏之樹勲周莊肅之清介關副使之罵賊擬于古賢寧少讓哉及乎末造劉文烈一門殉義邢兵憲父子捐生而僉臬李公太僕俞公一則碎骨鉤州一則死綏汴地勁氣英風又何烈也祀之豈有遺議哉嚮者大梁有名撫祠亦已淪溺予旣重創之矣然如干忠肅

皇清

吳佟諸公其勲猷垂史冊其廟食在大梁仍祀之書

院非復也禮也合而論之自大賢卜于外得名賢百十五人或生于斯或仕于斯或寄跡于斯立德立功與嵩同峻與河同深皆于大梁有光則進而祀之大梁書院後之繼起者有能與前人比跡亦從而配食焉以是傳之百世俾登斯堂者仰視懷題俯對几筵顧名思義縉紳知所則倣子弟知所尊崇以之事君以之立身起于一方及乎八郡各祀其所當祀以修明釋奠釋菜之禮予方有厚望焉聽者僉曰善是祀也正而可法嚴而不遺且適合于大梁而惟以義倫名教爲天下後世勸雖歷久不祧可也請書之石以示來者

遊梁書院

原在祥符縣治西南祀亞聖孟子以公孫丑萬章公都子屋廬子陳臻充虞配享名

孟子祠

明萬歷間御史方大美收稱遊梁書院明末沒於水

皇清

順治十二年提學張天植開封知府朱之璠改建於

府學明倫堂後康熙二十八年巡撫閻興邦改建於

院東北增入樂正子配享以趙岐孫奭孔道輔錢唐

御書

昌明仁義四字遣官賁送製扁懸掛

明方大美遊梁書院碑記

觀風之命攬轡中原顧瞻

嘆曰此孟軻氏遠應惠王幣聘之邪也庶幾哉仁義

之風猶有存焉者乎然而未暇詳觀也乃先至衛睹

淇水而興思曰洋洋乎此武公之毫而勤學詩人所

爲賦淇澳也今之人其有以武公之毫而勤學者乎而

未之聞也于前儒得邵伯雍焉爲之更飭其祠宇奕

如也及之周南而邇瀍澗之流曰洋洋乎周公之所

卜而定都者禾黍之嗟久矣于載而下有程伯淳兄

弟耆崛起以續孟氏之傳而今將安歸也無已于二

先生祠加飾焉庶其有興乎之汝而思文王之化曰

義樸之遺教固在何譽髦之寥寥也之蔡而憶蔡仲

之命曰邁迹誠在我哉于謝良佐見其去一矜字焉
今亡矣夫及之陳之宋則曰羲皇畫卦之迹遐哉邈
矣後之言易者何紛紛也載考孔子絕糧伐木故處
今儼然廟貌在焉豈不樹斯父之幟哉顧誰過而問
之至是而巡歷所及車轍遍乎中原之境矣乃還而
稅駕于大梁以語藩臬諸大夫曰世降道微聖賢不
作樸散淳澆久矣向予觀于四境猶省會也今觀于
省會亦猶四境也夷門豪俠遺韻猶存而仁義之風
渺矣如何挽而昭揭之諸大夫起而應曰觀風設教
惟先生職端拱齊物惟先生能僕輩第受成事已耳
惟所命之予曰風俗之表倡在士人士人之興起在
教化語云立的以示之標射者期焉設鑪以鼓之鑄
頑者化焉樹標莫如崇賢善鑄莫如敬業孟氏仁義
之學士人之標的也倘惠邀聖賢之靈羣弟子而講
習之鑪冶之中其有頑金乎爲之柰何僉曰遊梁有
祠以祀孟子其規制故隘可撤而新也其學舍未備
可創而構也祠修則崇賢有儀館備則敬業有所崇
賢以示之標敬業以鼓之鑄不亦可乎予曰善哉乃
捐貲三百餘金檄有司鳩工而葺之爲殿六楹祀
孟夫子其上以萬章公孫丑諸弟子配前爲門題曰
仁義之門又前爲門題曰遊梁祠仍其舊也殿之北
建講堂六楹扁曰性善其東西各列號舍十八間以

處諸生亦既備矣然供億之費無從出也于是諸大夫各捐贖羨買地若干頃坐落祥符之某鄉歲收租銀若干貯之理問所支給聽儒之守道循環報之本院著爲令甲至若督率必簡師儒教育務得英才諸大夫均有師帥之寄不得諉焉叶性善仁義之說固孟氏所以願學孔子而繼伏羲周公之統者也士患舍此弗學耳誠學者如衛武切磨之功耄而靡倦如兩程子之先識仁以誠敬存之殫上蔡切問近思之力究康節內聖外王之學濟濟彬彬入以表率乎鄉里出以楨幹乎邦家俾後之觀風者曰中原古聖神名區今猶昔也猗歟休哉子與諸大夫今日作人之舉不有榮施哉是所望于諸來學者爰書之爲此祠記是役也首其事者不佞大美贊其成者方伯易君登羸袁君奎憲長蔡君逢時大叅徐君卽登朱君思明憲副何君大化梅君守和僉憲延君論泊開封府太守馮君盛明董之者郡倅朱勤而知縣事薛國俊効奔走也例得並書云

皇清

馮泌遊梁書院記

按豫通志遊梁祠在祥符縣治西南崇祀孟子自宋代始有明巡方御史方公大其規模立學舍置學田聚生徒而講習之兼爲養育人才地而標名遊梁書院云迨我

朝蓋

三遷焉

大梁當黃河既灌之後開草萊而建學宮郡

守朱公僅于府學明倫堂後署曰遊梁書院存其名郡

爾已而學使蔣公特建遊梁書院於其署之南而顏

其堂曰闢利然地徧向幽於制未善也開府閭公收

建府文廟之北重門甬道堂廡巍然擬諸文廟齋房

廩給一俸方公之遺聚生徒肄業其間而祀孟子於

堂上以樂正以下諸子配享於是遊梁書院制彌盡

善矣視學御史張公題其事較士案臨命爲之記愚

准古來聖賢豪傑或產于其地或遊于其鄉莫不有

名勝之區以傳於後使人憑而弔之想見當日軼事

以庶幾其爲人而動興起之思孟子當紛紛言利之

日獨持仁義以正天下顧其遊梁爲生平出處第一

事七篇開宗第一章王方曰利開口卽以何必曰利

折之所以爲國而爲國者並不可以利爲言然後可以

與言仁義也答問間可想見其嚴嚴氣象焉今建書

院于此奉以爲宗而俎豆之使夫人之由是門登是

堂者不覺潛消其交征之萌而興其不遺不後之良

則孟子之神化不儼然在乎其崇祀于梁也固宜且

擬諸文廟而不以爲過者文廟建之

朝廷達乎天下其爲制尊故其爲祀廣此則祀之者梁建

之者開封其爲祀尊故其爲祀無嫌于侈方今

可與直志

卷之四一三

貢院書院附

開封府

天子巡幸吾豫御史公倘以是入告將裁自
睿慮者更有非常之舉於以光俎豆而興起人心又何如
也夫如是則珥筆以記者當屬御史公思且樂觀其
盛焉

二程書院

在省城東南二里卽舊大梁書院廢址也
明末沒於水

皇清康熙二十六年守道張思明重建改今名祀明道程
子伊川程子兩廡從祀門人五十一人

崇正書院

舊在提
學署東

東坡書院

舊在麗景門
內縣治東

通許縣

咸平書院

卽育英
書院

進學書院

明季知縣余
尙春祠兵燹

皇清康熙二十四年知縣陳治策建爲書院仍祀余令歷
任知縣孫子昶高崧林璿李爲憲悉踵行雍正二年
知縣王應
珮重修

太康縣

興賢書院

舊有連城書院
在西關外寇燬

皇清

知縣朴懷寶
改建於崇聖祠東扁曰興賢

洧川縣

洧陽書院

在洧川縣內

皇清

康熙二十四年知縣周師望創建

鄆陵縣

宏仁書院

在鄆陵城內明萬歷壬子知縣張舜典建

扶溝縣

明道書院

在縣內明嘉靖間知縣陳輅建

皇清

知縣吳士燊署印
知縣王應珮重修

可資通志

卷之四十三

貢院書院附

三開封府